



UKA 2015/156

Randi Vestergaard Evaldsen

13. oktober 2015

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa Nunat avannarliit killiit aalisarnerup iluani naalackersuinikkut suleqatigiinneq nukittorsaqqullugu Nunat avannarliit killiit aalisagaqarfissuunerata iluaqutissartaata atorluarneratigut. Aalisarnerup iluani suleqatigiinnerup qanoq iliorluni annertusarneqarsinnaanera qulaajaqqullugu nunani taakkunani pingasuni naalakkersuisunut inassutigineqarpoq misissuinerullu inernerinik ataatsimut Nunat Avannarliit Killiit Siunnersuisoqatigiiffiannut nassuiaateqarlutik. Sammisani ukunani qulequttat qulaajaavigineqarsinnaasut:**

- **Susasaqarfimmi aalisarnermut tunngassuteqartumi maannakkut suleqatigiinneq pillugu nalunaarsuiffik**
- **Aalisarnermi isumalluutit aqunneqarneranni suleqatigiinnissamut periarfissat**
- **Nunarsuarmi immikkoortoq namminerisamik ataatsimoorussamik nittarsaassutitaassaaq imaluunniit ilisarnaaserneqassaaq aalisakkanillu tunisassianik tuniniaavittaarluni**
- **Immani ilisimatusaatitut misissuinermi suleqatigiinnissamut periarfissat**
- **Avatangiisinik attanneqarsinnaasumillu atuinermit takutitsisumik nalunaarsuineq**
- **EU-mut niuerfinnilu allani tuniniaavinnut iserniarnermut annertunerusumik suleqatigiilernerup iluaqutissartai ajoqutissartaalu**
- **Susasaqarfimmi aalisarnermut tunngasumi naalackersuinikkut ataatsimoorussinissamut ataatsimoorussamillu isumaqatigiissusiornissamut periarfissat**
- **Nunat taakku pingasut aalisarnermi ataatsimut ingerlatsinermikkut nakooqutigisinnaasaannik takutitsisumik nalunaarsuineq.**

(Aallartitat siulittaasuat Lars-Emil Johansen)

(Siullermeenera)

Savalimmiuni, Islandimi Kalaallit Nunaannilu ilaatigut ataatsimooruffigaarput, aalisarnikkut



annertuumik tunngaveqarluta tanngassimaarutigalugulu ingerlatitsigatta, Nunani pingasuusuni aalisarnerup inuiaqatigiittut aningaasaqarniarnikkut annertuumik napassutigaa, aammalu Nunat Avannarliit Killiit aalisarnikkut tunisassiaataat nunarsuup sinneranut siammarterlugit nioqqutigineqarmata.

Tamanna tunngavigalugu nunat pingasuusut soqtigisassaasa pingaarnerpaaq tassaasariaqarpoq aalisarnikkut aalisarnermilu politikikkut annertunerpaamik iluanaarnissaq, tamannalu isumassarsiatsialattut isigalugu Nunat Avannarliit Killiini suleqatigiilluarnissap annertusarnissaa siunertaralugu aalisarnikkut aalisarnermilu politikikkut pitsangorsaanikkut inerisaanikkullu pisinnaavoq, aalisarnerup sulii iluanaarnerusumik ingerlanneqarnissaa siunertaralugu.

Tamanna tunngavigalugu Demokraatit Nunat Avannarliit Killiini aalisarnikkut politikikkut suleqatigiinnissaq nukittorsarnissaa tapersorsorpaat, siunnersuullu Nunat Avannarliit Killiit Siunnersuisoqatigiiffiannut suliarineqaqqinnissaa inassutigalugu, aappasaanerlugu suliarinnginnerani.